

Handen / ein blinde Lini an dem Liniel L. M. hinaus  
 auß / vnd wo diese die vorige blinde gerissene Li-  
 ni Z. anrühret oder durchschneidet / da habt ihr  
 der Marckseulen C. standt oder weiten gefunden /  
 welche / so ihr von diesem Durchschmidt E. mit ei-  
 nem Circkel bis in das Eck oder Punct 3. nemmet /  
 vnd dieselbe weiten oder läng auff die Maß R. S.  
 setzet / würde euch gedachte Maß ihre rechte läng /  
 nemlich 7. Ruthen vnd 7. Schuh geben / glei-  
 cher Gestalt von berührten Durchschmidt oder  
 Säulen C. bis auff das Eck 4. genommen / vnd  
 auff die Maß R. S. gehalten / solche würde euch  
 ebenes falls die rechte weiten / als 7 Ruthen vnd  
 6 Schuh geben.

Zum sibenden ruckt das Regelein B. im Schreib-  
 tafeelblat D. auff die sechste Standlini Z. laßt den  
 Stefft in dem Punct 4. stehen / vnd ruckt die  
 Schreibtafel E. mit dem angeschraubten Liniel  
 L. M. daran / trehet solche an den Stefft herum /  
 bis das Magnetzünglein recht vnd just innste-  
 het / reiß dann ein blinde Lini an dem Liniel L. M.  
 von dem Punct 4. vnd nembt die in der Vierung T.  
 verzeichnete läng berührter Seiten Z. so 10 Ru-  
 then vnd 4 Schuh / sechs von gemeldtem Punct 4.  
 auff die blinde Lini nach 5.

Zum achten / ruckt das Regelein B. im Schreib-  
 tafelo